



# IPAGINA

Instituto Pedagógico  
Arubano

2006 / 2007  
I di december 2006

## Cumbre Plan Nacional di Enseñansa

Dialuna 27 November 2006 a cuminsa e di dos cumbre den e proceso pa yega na un Plan Nacional di Enseñansa 2007 te cu 2017. A diferente grupo den nos comunidad na e cumbre, manera organizacion social, sector di turismo y comercio, sector intersectoral, maestro, directiva di school, estudiante, mayor y tambe personal di departamento di Enseñansa. Durante e prome dia tabatin mas cu 70 persona presente. E di dos cumbre aki a consisti di tres dia intensivo di trabao den grupo cu varios obhetivo. Durante e di dos cumbre aki a formula un vision y mision cu tabata cuadra den contexto di e deseo nacional cu nos sistema di enseñansa. Tambe kier logra haña un indicacion exacto di e necesidadnan cu mas prioridad, stipula e temanan strategico pa e plan nacional di enseñansa y defini e metanan principal. Pues, e cumbre aki tabata un cadena importante den henter e proceso participativo pa yega na e **plan nacional di enseñansa** pa Aruba. Minister drs. Marisol Lopez-Tromp a scohe pa un proceso participativo pasobra asina tabata habri oportunidad pa mas actor den comunidad duna nan aporte y tambe logra pa mas persona den comunidad carga e plan. E proceso te cu awor a cana varios paso. Pues, durante e prome cumbre a pone hopi atencion den formula exactamente kico e estudiante ideal mester ta. E resultado di esaki tabata: un ciudadano felis cu sentido di desaroyo global cu interes pa estudio pa bida largo. Despues di e prome cumbre a organisa diferente grupo di enfoque cu tabata tin como meta envolve mas tanto persona posibel den evaluacion di e resultado nan di e prome cumbre y asina crea un bista exacto di e direccion den cua Aruba kier pa su enseñansa crece, formula expectativa, responsabilidad y tambe crea un imagen di e estudiante ideal cu nos kier pa gradua den nos sistema di enseñansa na aña 2017. Minister drs. Marisol Lopez-Tromp ta hopi contento cu e participacion di comunidad den e proceso pa yega na e plan nacional di enseñansa. Esaki ta muestra cu e interes y compromiso di comunidad pa nos enseñansa ta haltu y cu e dos ingredientenan aki Aruba su enseñansa por crece na e calidad cu nos yiunan merece. E dos facilitadornan cu ta guia e conferencia di minister pa cu e plan nacional di enseñansa, a duna un presentacion di 'accelerative learning', espontaneamente organisa pa nos directora pa e docentenan na IPA. Dr. Lehecka ta dirigi e Institute for Accelerative Learning, Teaching & Research na N-Carolina y Mr. Wilson MD ta involvi den 'training and performance improvement' mas cu 25 aña y ta traha a base di un acercamento creativo! Sra. Juliette Chieuw a duna tambe, riba peticion di algun docente, un splicacion di e procedura y proceso di e plan menciona ariba.



## Dia di reflexion di klas 3A y 3B

Diasabra dia 25 di November klas 3A y 3B tabata tin un dia di reflexion en conexion cu nan pasantia den exterior. Tabata un dia hopi emocionante y constructivo. E studentenan a haya e oportunidad pa nan papia y duna otro apoyo y motivacion pa sigui traha pa finalisa nan estudio. Na final di e dia nan a haya un presentacion di e documentario di Shamira Raphaela titula 'Cu salo den mi wowo'. Esaki ta e comienso di un serie di encuentro di preparacion pa nan BUS. Cada estudiante a formula pa nan mes, e mision di nan bida, kico nan ta para p'e.



S. Raphaela. "Cu salo den mi wowo"

Asina nan sera conosi cu otro, ya pa ora nan ta leu for di Aruba nan sa kico nan por conta riba dje, di nan colega estudiante. E dia y e otro dianan ta bou di guia di nos propio decano. Den compania di e dos mentornan. Akibou ta

## MI EXPERENCIA DURANTE DIA DI REFLECCION

Mi a bin cu e expectativa pa siña conoce y compronde mi coleganan mas miho. Mi no a pensa cu lo mi tin cu traha un mision di mi bida cua despues m'a haya supergreat pa traha, pasobra mi a reflexiona riba kico ami kier den mi bida y pakico. Pa pone riba papel ta diferente cu ora bo tin e gewoon den bo cabes. Tambe mi a reflexiona tocante kico mi por drecha di mi caracter y kico ta mi caracteristicanan fuerte. Trouwens, den mi camber mi tin e papel aki colga pa mi reflexiona tur dia riba locual mi tin cu drecha den mi caracter y riba mi metanan di bida. Ma siña hopi cos entre otro: conoce mi mes miho pero tambe mi coleganan. E tawata un sentimento di confiansa y mi ta haya cu awo mi ta mas miho prepara pa bai pasantia. E ambiente tawata hopi relahante y ami e haya asina great cu un colega di mi a duna mi un compliment. E ta admira con mi ta lucha cu mi bida personal anto mi ta duna toch tur di mi pa mi logra mi meta den bida. Y e presentacion di e video m'a haya bon, dor cu bo ta haya un bista riba loke ta pasa na Aruba cu hopi biaha nos no sa. Danki tambe na Shamira Raphaela. Tawata un dia di berdad di reflexion principalmente riba mi mes y mi ta haya juf Nora a guia e dia HOOOOPI bon mes waw. Danki pa duna nos un oportunidad asina y te cu e proximo encuentro. Estudiante di di tres aña.

He who loves correction loves knowledge, but he who hates reproof is stupid.  
Proverbs 12:1

## SIMAN DI STAGE

EXITO NA TUR STUDIANTE!

DANCE!

"Simplemente

Simadansa"

**30 aña!**

Dia 1 y 2 december na

Cas di Cultura

mas di 200 mucha lo presenta  
hopi sorto di baile di un forma

excepcional bou di guia di

Astrid Salazar y Ina Profet.

\*

Pa Dansante Vorming

Esaki por conta pa NCU

pa tur estudiante!

Jane asks Tarzan to sing her a typical jungle Christmas carol. And Tarzan goes: "jungle bells, jungle bells..."



UNESCO

1<sup>e</sup> di december

UNESCO will commemorate World AIDS Day, 1 December 2006 with a series of events around the world. Events organised and/or co-organised by UNESCO include: A series of awareness-raising orientation sessions for UNESCO staff, within the framework of the UNESCO HIV/AIDS Workplace Policy. These sessions are open to everyone interested Related Links [UNESCO's response to HIV and AIDS Consultation on building capacity to support HIV-positive teachers in Eastern and Southern Africa](#)

Dia mundial di AIDS

Redactor: Wilma y Gregory-  
buvo@ipa.aw